

Bulletin

#overstrand4all

Incwadi ethunyelwa amalungu e-Bhunga le Overstrand esesikweni

#C4ourself

UYILO LOHLAHLLO LWABIWO-MALI KUNYE NE-IDP EHLAZIYIWEYO

QINISEKISA NGOKUNGENISA IZIMVO ZAKHO NGOMHLA WESI-3 KUMEYI!

Ukususela ekwandalweni kwazo kwisithuba sikaMatshi 2024, zombini uyilo lohlahlo lwabiwo-mali kunye nesiCwangciso esiHlangeneyo soPhuhliso (IDP) zonyaka-mali wama-2024/25 zivulelekile kuluntu okokuba lunike izimvo.

Njengexalenye yenkqubo yokuthatyathwa kwenxaxheba luluntu, iForam yeNgcebiso yoMasipala wase-Overstrand yanikwa ithuba lokunikezela ngezimvo zayo ngethuba lentlanganiso eyayibanjwe ngomhla wama-24 ku-Epreli ngeli thuba amaxwebhu ayiliweyo athe axoxwa kakhulu ngethuba leentlanganiso zekomiti yewodi ezizodwa kuyo yonke i-Overstrand ukususela ngomhla wesi-2 ukuya kowama-25 ku-Epreli.

Nawuphi na umntu ongakhange awafunde ngenyameko la maxwebhu ayilwayo kunye/okanye osafuna umnika izimvo kufuneka akwenze oko kungadlulanga umhla wesi-3 kuMeyi 2024.

Qaphela okokuba amalungiselelo afanayo ayasebenza kwisiCwangciso secandelo esiYilwayo soPhuhliso lweNkonzo zaManzi kunye nesiCwangciso esiYilwayo soLawulo lweNtekele esenza inxalenye ye-IDP.

Zonke izimvo namagqabantshintshi afunyenwe evela kuluntu nakwabachaphazelekayo bentlalo aya kuqwalaselwa ngokufanelekileyo yaye aya kuqulunqa i-IDP elungisiweyo kunye nohlahlo lwabiwo-mali lokugqibela oluya kuthi lwandalwe okokuba lwamke;we liBhunga ngomhla wama-31 kuMeyi 2024.

USodolophu weSigqeba, uGq. Annelie Rabie, ukhuthaze wonke umntu onomdla kwi-Overstrand okokuba azinike ixesha ayifunde yonke aze anike izimvo kuhlaziyo lwe-IDP kunye noyilo lohlahlo lwabiwo-mali.

"Ingakumbi, zibuze okokuba ingaba uyangqinelana nokubekwe phambili okuchongiweyo ngokw-IDP elungiselelwe iwodi lakho: Ingaba kubonisa izidingo zabo bahlala nabaqhuba ushishino apho?"

"Kugcine engqondweni okokuba okuphambili kwavunyw kuya kumisela inkcitho yezakhiwo elungiselelwe unyaka-mali wama-2024/25 yaye, lwakuba olu hlahlo lwabiwo-mali lwamkelwe, olunakuguqulwa - okuthetha okuba akusayi kuba nakho ukwabela iingxowa-mali kwiprojekti engabandakanyangwa kwi-IDP," ulumkise watsho.

• Amaxwebhu awahlukeneyo anakukho ukufumaneka kwi-Intanethi ngokusetyenziswa kwwebhusayiti esesikweni kaMasipala: www.overstrand.gov.za.

UYILO LOHLAHLLO LWABIWO-MALI LOWAMA-2024/25 NGOKUKHAWULEZA

Ingeniso/inkcitho:

Ingeniso ehlahlwe ulwabiwo-mali (kungabandakanywa iminikelo yezakhiwo) isisixa-mali esiyokutsho kumawaka ezigidi ezili-R1,944 (kubandakanywa izinto ezingeyiyo imali ezinkozo ezifana nokuhla kwexabiso). Ngoko, intsilolelo yobalo-mali lwezigidi ezili-R114,92 ibonisiwe. Isixa-mali esihlalelweyo esilungiselelwe iiprojekti ezithile ezinkulu zinesixa-mali esiyokutsho kwizigidi ezili-R152,033.

IPesenti ecetywayo ukwandiswa ngokwenkonzo nganye engundoqo:

- Imirhumo yepropati: 8%
- Amanzi: 6%
- Imibhobho yamanzi amdaka: 8.9%
- Ukuthuthwa kwenkunkuma: 11%

IZINDLU ZASESTANFORD

ICANDELO 1 SELE LIKUFUTSHANE UKUGQITYWA



Ngaphezulu nguMphathiswa Simmers kunye noSodolophu Rabie, uSekela Sodolophu (uCebakhulu Lindile Ntsabo); uCeba Ronald Nutt (MAYCO); iiNkonzo zoLuntu; UCebakhulu Dudley Coetzee (iWodi 1); kunye noSean Swartz (uMlawuli: iiNkonzo zoLuntu) babekhona ukwabelana kuvuyo lwabaxhamli abasele bekhulile abangama-23 ababenikwa izitshixo zamakhaya abo okuqala ngomhla wesi-2 ku-Epreli 2024.

Ngomhla wesi-2 ku-Epreli 2024, abaxhamli abasele bekhulile abangamashumi amabini anesithathu beNkqubo yaseStanford yoPhuhliso oluHlangeneyo lweNdwawo zokuHlala banikezelwa izitshixo kumakhaya abo okuqala nguTertuis Simmers, uMphathiswa weZibonelelo weNtshona Koloni.

Inani elipheleleyo, izindlu ezingama-300 zeBreaking New Ground ziya kunikezelwa njengexalenye yeCandelo 1, apho i-100 anikezelwa kwisithuba sika-Epreli ze intsilela inikezelwe ekupheleni kuka-Agasti 2024.

Kwintetho yakhe ephambili, uMphathiswa Simmers uncome ukuzinikela okungangqiyi kwamagosa ephondo nakamasipala athe azilahlela ekunikezeleni ngezisombululo zezindlu ezinesidima kwabo banesidingo ngexesha elifutshane kakhulu.

"Into yokuba iiyunithi zokuqala ezili-100 zithe zanikezelwa kwisithuba sexesha elifutshane ubuncinane elizinyanga ezisixhenxe emve kokuphethulwa kwesoyi okwakungo-Agasti 2023 kuyamangalia ngenene yaye kungqina ukuzibophelela ekuphuculeni ukulunga kokuphila kwabo bonke abahlala eNtshona Koloni nokwakhiwa kwethemba," utshilo.

"Ekugqityweni kwawo omathathu amacandelo ale projekti yezigidi ezili-R150, silindele into yokuba ukhulnganiswa kweziza ezingama-783 ezicandelwe amakhaya azimeleyo (770), ekwabelwana ngezibonelelo (6) kunye nezenjongo zoshishino (7) ngokwahlukahlukeneyo siya kuyila amathuba awaneleyo okuphucula impilo-ntle nendlela yokuphila elungileyo abo bonke abaxhamli," wangezelele watsho uSimmers.

Kwintetho yakhe, uSodolophu weSigqeba uGq. Annelie Mayor wasekela okubalulekileyo kumyalezo woMphathiswa uSimmers ngokukhuthaza abaxhamli okokuba bazibandakanye kwingingqi yabo entsha yoluntu ze bazingce ngamakhaya abo nobumelwane.

"Ngoku unendawo oyibiza ngokuba yeyakho kodwa - ukususela ngoku ukuya phambili - kuxhomekeke ukulolonga oko kukokwakho ngokwasemthethweni," ulumkise watsho.

"Okokuqala, qinisekisa ngokubhala umyolelo ukwenzela ukuqinisekisa ngento yokuba ipropati yakho ikwizandla ezilungileyo xa uthe wabhubha.

"Okwesibini, musa ukuzama ukuyithengisa okanye urhentise nge propati yakho osandula ukuyifumana nangaliphi ixesha ngokwangoku. Ngokunjalo, musa ukuyiguqula ibe yivenkilana esispaza ukakhange ufumane imvume eyimfuneko. Ukuba wenza njalo, uya kuphelale ungmhlali ohlala ngasemva kwendlu esesikweni kungekho themba lokuba uya kuze ube selungelweni lokufumana ithuba lendlu exhaswe ngemali ngurhulumente kwakhona.

"Yiba ngumntu oneenqobo ezisesikweni. Thembeke ze ulolonge oko unako," ulumkise watsho uSodolophu.

ULWESINE WOKU-1

ABAKHWELI BEBHAYISIKILE ABANGENAYO
INKATHALO BAYINGXAKI ENKULU
E-ONRUS/VERMONT

USekela Sodolophu Lindile Ntsabo (ilungu leMAYCO leenkonzo zokhuseleko), UNeville Michaels (UMlawuli: liNkonzo zoKhuseleko), kunye noCeba Charmaine Resandt (UCeba weWodi 13) kwingxoxo enyanisekileyo kunye nabemi abachaphazelekayo ngeengozi ezibangelwa ngaba bakhweli beebhayisikili abaselula abangenayo inkathalo nendlela elungileyo yokusombulula isimo

Abahlali base-Onrus/Vermont kunye nabanini bamashishini basebenzisa ufikelelo lolwesiHlanu wokuQala ku-Epreli ukuphakamisa iinkxalabo zabo eziphathelelene nengozi ebangelwa yindlela yokuziphatha yabakhweli beebhayisikili abaselula yaye bengenayo inkathalo ngokupheleleyo yokhuselo lwendlela edala ingozi kubomi nasemzimbeni.

Ngethuba lentlanganisio eyakhayo ethe yalandela, inani lemiba eyakhayo yaziswa ngaphambili.

Kumanqanaba abo njengeNtloko yePotfoliyo kunye noMlawuli weeNkonzo zoKhuseleko ngokwahlukahlukeneyo, bobabini uCebakhulu Lindile Ntsabo kunye noNeville Michaels baqalise ngokucwangcisa indlela yentlanganisio engaphezulu ngenjongo echaziweyo ukulungiselela ukuqulunga amanganelo angakho kunye nemiqathango enokuthi incede ukulungisa isimo esikhoyo.

Kwakuba kufikelelwe kwisivumelwano kwindlela eya phambili yokulungisa umba wabakhweli beebhayisikili, abazimasileyo banikwe ithuba kwakhona lokuhlalana ubuso ngobuso kunye noSodolophu weSigqeba, uGq, Annelie Rabie, kunye noMlawuli kaMasipala, uDean O'Neill.



Ngokulindelekileyo, oozihlalo beptfoliyo kunye nabalawuli abaphezulu besigqeba bamacandelo ahlukeneyo babekho ngokunjalo bezokumamela nokunikezela ngengebiso ngendlela elungileyo yokulungisa iinkxalabo zabazimasileyo.

Abazimasileyo ibe nguCeba Stephen Williams kunye noSantie Reyneke-Naudé (ezemali); uCeba Ronald Nutt kunye noSeon Swartz (iinkonzo zoluntu); uCeba Amie Africa kunye noDesirée Arrison (iinkonzo zolawulo); uCebakhulu Elnora Gillion kunye noFrieda Lloyd (uphuhliso loqoqosho lwengingqi); kunye noCeba Clinton Lerm kunye noStephen Müller (utyalo-mali nezibonelelo).

USodolophu waneliseka kakhulu linani labahlali abathe beza kwintlanganisio ka-Epreli waze wakhuthaza bonke abahlali okanye abaqhuba ushishino kwi-Overstrand okokuba basebenzise imisitho yofikelelo yangolwesiNe wokuQala ukuphakamisa iinkxalabo zabo okanye ukufaka iimbono ngedlela ekungalingiswa ngayo imingeni ngendlela efanelekileyo nezinzileyo.

Ukuba unombuzo ukukhathaza okanye ukupenapenis, okanye ukholelwa ekubeni uze nesona sisombululo sokugqibela kwingxaki, qinisekisa ngokubakho. Qiniseka, samkela zonke iingcebiso eziphandle nezakhayo, utshilo.

INDAWO YONYANGO LWAMANZI E-PEARLY BEACH

AMANGENENO AKHAWULEZILEYO
AYAQHUTYWA

Njengoko kunikwe ingxelo kuhlelo lweBhulethini kaMatshi, uMasipala wase-Overstrand uqalise inkqubo yokuhlaziya imisebenzi yonyango lwamanzi ePearly Beach ukuya kuthi ga kumgangatho apho amanzi avela kwiDama iKoekemoer anakho ukunyangwa de ayokufikelela kwimigangantho yeSANS 0241 yamanzi okusela kungekho sidingo sokuwahlalanganisa kunye namanzi avela kwiDama iPearly Beach.

Ekuqaleni, uhlaziyo lwenziwa ngohlalo lwabiwo-mali lwezakhiwo lowama-2024/25 kodwa ngenxa yesimo esibi kakhulu, umasipala ufake izi-R2 472 306 (kungabandakanywa iVAT) kulo nyaka-mali umiyo ukulungiselela amanganelo akhawulezileyo yaye, ukuba konke kunokuhubeka njengoko kucwangcisiwe, kulindelwe into yokuba uhlaziyo luya kube lugqitywe ekupheleni kukaMeyi kulo nyaka.

Sibulela intsebenziswano egqwesileyo yoluntu lwasePearly Beach abalandele izithintelo zmanzi ezithe zanyanzeliswa ukususela ngoFebruwari 2024, amanqanaba amanzi edama abonakala ezinzile noko eneDama iKoekemoer elime ngokwakaloku nje kuma-60% kunye nePearly Beach ekuma-20%.

Nangona kunjalo, ngokuthambekele kwinqanaba eliphantsi leDama iPearly Beach kunye nombala omdaka wamanzi afunyenwe evela kwiDama iKoekemoer, inkqubo ekhoyo ethe ekuqaleni yayilwa ukunyangwa amanzi ahlalanisiweyo afunyanwe kuwo omabini amadama akakwazi ukuthwala lo mthwalo - kungoko kwenziwe isigqibo sokulughubela phambili uhlaziyo.

Amanganelo akhawulezileyo nangona, uphando kukufaneleka kwamanzi atsala ngaphantsi komhlaba njengomthombo wamanzi ePearly Beach kuyaqhutywa, yaye abemi bangaqiniseka ngento yokuba nayiphi na inzame iyenziwa ukuphucula ukhuseleko lwexa elizayo lwamanzi nokuncitshiswa kokuxhomekeka kumanzi angaphezulu kuphela.

IINDAWO EKULAHLEKILE KUZO INKUNKUMA
EVOËLKLIP NGOKU ZIVALWA KWANGETHUBA

Abahlali abaninzi namashishini akufutshane nendawo ekulahlwa kuyo inkunkuma eVoëlklip (ekwindawo esecaleni kwe-OK MiniMark e7th Street) bavakalise iinkxalabo ezimalunga nokhuselo lwabo yaye bakhazilela ukungcola okubangelwa zizibhadu-bhadu ezigqutha-gqutha imigqomo yenkunkuma xa kumnyama.

Ukusabela, isigqibo kwafikelelwa kuso sokokuba iiyure zokusebenza zendawo yokulahlwa kwenkunkuma ziya kyba ngolu hlobo kwixa elizayo:

- NgeMivulo ukuya ngolwesiHlanu: 08:00 - 17:00
- NgeMigqibelo: 09:30 - 15:30
- NgeCawa: 10:00 - 16:30
- Ngeholidi zikarhulumente: 09:30 - 13:30



Inkunkuma yasekhaya iya kuthuthwa njengesiqhelo ngeMivulo, kodwa abo baqeshisa ngepropati kummandla waseVoëlklip kufuneka bancede bazise kwingqwalasela yabaqeshi bepropati zabo/lindwendwe amalungiselelo amatsha aphaethelelene nendawo yokulahlwa kwenkunkuma njengomba ongqamileyo.



home affairs

Department:
Home Affairs
REPUBLIC OF SOUTH AFRICA

ISEBE LEMICIMBI YASEKHAYA LANDISE
IIYURE ZOKUSEBENZA

Ngenxa yonyulo oluzayo, iSebe leMicimbi yaseKhaya landise iiyure zalo ukulungiselela abo bangathanda ukwenza isicelo/ukufumana amakhadi Smart ID kunye/okanye iziQinisekiso zeThutyana zeSazisi.

Iiofisi zabo ziya kuvulwa ngokunjalo ngolu hlobo:

- NgomGqibelo 4, 11, 18 kunye 25 kuMeyi ukususela 08:00 ukuya 13:00
- NgoMvulo 27 kunye nangolwesiBini 28 kuMeyi ukususela 16:00 ukuya 19:00
- NgolwesiThathu 29 kuMeyi ukususela 07:00 ukuya 21:00

*Qaphela okokuba le mihla inikezelwe iSebe leMicimbi yaseKhaya yaye inakho ukugqulwa.